



Australian Government  
Department of Home Affairs



## **Kuidadu ba labarik iha Programa Lia-Inglés ba Migrante Adultu sira (Adult Migrant English Program)**

Ita presiza kuidadu ba labarik ho nune'e Ita bele tuir klase Programa Lia-Inglés ba Migrante Adultu sira (Adult Migrant English Program - AMEP)? Durante Ita tuir klase AMEP, kuidadu ba labarik ne'ebé gratuitu mak disponivel ba Ita-nia oan sira ne'ebé seidak iha idade eskolar.

Ita-nia forneseador servisu AMEP sei koko atu organiza kuidadu ba labarik ne'ebé Ita presiza halo viajen menus husi minutu 30 husi Ita-nia uma ka klase AMEP. Dala ruma ida-ne'e la sempre posivel. Forneseador servisu AMEP sira sei halo esforsu másimu hodi buka fasilidade ne'ebé fó kuidadu ba labarik ne'ebé besik liu hotu ba Ita.

Forneseador servisu AMEP sira sei organiza kuidadu ba labarik ne'ebé korresponde ho momentu Ita hahú Ita-nia kursu AMEP. Sira sei koko mós atu garante kuidadu ba labarik ba loron sira ne'ebé Ita tuir klase. Dala ruma, kuidadu ba labarik la disponivel kedas ka bele ofereba ba Ita kuidadu ba labarik ho tempu pansiál, enkuantu Ita hein kuidadu ba labarik iha loron adisionál sira.

Kuidadu ba labarik ne'ebé gratuitu só disponivel ba Ita enkuantu Ita tuir klase AMEP. Kuidadu ba labarik ne'ebé gratuitu la disponivel ba atividade sira ne'ebé akontese iha tempu ne'ebé la korresponde ho Ita-nia klase sira AMEP nian. Bainhira Ita la tuir klase AMEP, ka Ita halo hotu Ita-nia aprendizajen, Ita tenke organiza rasik kuidadu ba labarik. Se Ita-oan ka Ita-nia oan sira la tuir kuidadu ba labarik durante períodu tempu spesífiku, importante katak Ita notífika Ita-nia forneseador servisu AMEP. Ho nune'e, se marka tiha ona loron ruma hodi fó kuidadu ba Ita-nia oan sira, bele halo alterasaun.

Se Ita la tama klase AMEP dala barak ona, forneseador servisu bele kansela kuidadu ba Ita-nia oan. Se Ita filafali ba AMEP, Ita sei iha asesu ba kuidadu ba labarik ne'ebé gratuitu dala ida tan, maibé dala ruma tenke hein alokasaun kuidadu ba labarik ne'ebé disponivel.

Bainhira avalia Ita-nia nesiedade kona-ba kuidadu ba labarik, Ita-nia forneseador servisu AMEP bele ofereba opsaun oioin ho nune'e Ita bele hahú Ita-nia estudu ho laiais posivel. Porezemplu, bele husu Ita:

- Estuda iha sentru komidade ne'ebé iha fasilidade kuidadu ba labarik iha fatin ne'e rasik
- Halo viajen naruk liu duké Ita-nia preferénsia
- Estuda ho mestre voluntáriu ida ka liuhosi estuda husi distánsia dook to'o momentu alokasaun kuidadu ba labarik mak disponivel.

Se alokasaun kuidadu ba labarik ne'e la kumpre Ita-nia nesiedade, Ita tenke diskute ida-ne'e ho Ita-nia forneseador servisu AMEP.

Hodi hetan informasaun liután kona-ba kuidadu ba labarik, favór ko'alia ho Ita-nia forneseador servisu AMEP.